

清孝外史精

卷一百八十一至卷一百八十二

弟 九 十 二 冊

清季外交史料

附索引及西巡大事記



中華民國二十一年一月出版

總發行 王希隱

北平迺茲府關東甸七號

版權所有 翻印必究

清季外交史料卷一百八十一

光緒二十九年十二月

目錄

滇督撫丁振鐸林紹年致樞垣日俄將戰中國必受其殃請速變法

以挽危局電十二月初四日

直督袁世凱奏遵諭統籌布置東北邊防情形摺初六日

皖撫誠勳奏中立難久邊防益亟擬請東三省速籌練兵摺初七日

外部奏遵議使義許珏條陳加徵洋藥稅並訂章程摺十四日

外部奏遵議川督錫良請申定礦章添立專條摺十四日

俄使致外部兩國電局結算應改以三月爲期照會十七日

直督袁世凱致外部報俄船回旅順或分弋洋面電二十二日

滇督撫丁振鐸林紹年致外部中緬界線擬俟派員會勘再定電二

十二日

鐵路督辦盛宣懷致外部澤道鐵路改訂合同已另約三端乞派員

會商電二十二日

使俄胡惟德致外部日俄已互撤使韓聲明守局外電二十三日

直督袁世凱致外部俄兵已赴遼陽東邊備戰電二十四日

直督袁世凱致外部日俄海軍在旅順口外開戰電二十五日

直督袁世凱致外部日艦圍旅又煙電沉俄船三艘電二十五日

粵督岑春煊致外部日俄開戰宜乘勢收回東三省電二十五日

使日楊樞致外部日在仁川旅順又毀俄艦將頒戰例電二十五日

直督袁世凱致外部日已宣戰請旨布告中立條規電二十六日

直督袁世凱致外部日擬由青泥窪金州擊俄電二十六日

直督袁世凱致外部俄艦沉傷十艘日克旅順電二十七日

閩督李興銳致外部福建腦務謬誤已深非禁止私腦即賠款自辦

電二十七日

諭各省將軍督撫日俄失和着按局外中立例辦理並保護各國人

民財產二件二十七日

日俄戰爭中國嚴守局外中立條規二十七日

署江督張之洞致樞垣修濬黃浦江爲害中國太鉅電二十八日

使日楊樞致日外部日俄開戰中國當嚴守中立照會二十八日

日外部覆楊樞日俄戰爭不敢損害中國主權照會三十日

使俄胡惟德致外部俄外部言中國恪守局外俄決不侵越電

三十日

五月二十二日

蘇省督軍張謇日對大時清盤國

日對大時清盤國

閩督李興銳日對大時清盤國

南督袁州日對大時清盤國

前督袁州日對大時清盤國

前督袁州日對大時清盤國

清季外交史料卷一百八十一

男希隱亮編

黃巖弢夫王彥威輯

孫孝章敬立校

滇督撫丁振鐸林紹年致樞垣日俄將戰中國必受其殃請速變法以挽危局電

俄日相持瞬將開戰中國勢處兩難無論俄勝中日困將不堪即日勝中國亦必被侵削且俄日即和而東三省不得主權亦從此無以立國況各國所以坐視者以樂俟俄日戰畢於爭割中土時從而瓜分耳是此時中國雖守局外而終歸不可問也惟聞俄覆日約於韓事多肯退

讓亦不奪日在滿洲與中國所訂商利至治權歸我則全不允日則仍申前議等語以藐小不及中國十分之一之日本而敢與大逾日本三十倍之強俄抗且能使俄有退讓慎重不敢遽戰之心者是何故耶亦實行變法已三十餘年之效耳以堂堂中國不特俄視之蔑如各國亦皆藐我猶待日本因自顧計始出而仗義執言而俄且不允使主權歸我何也政治與各國不同故事危至今日間不容髮守局外既無可守惟命是聽亦不足以圖存爲今之計似惟有急宣上諭誓改前非飭外部王大臣徧告各國使臣並飭出使各國大臣迅告各國政府以中國自今以後一切即盡行改革期於悉符各國最善之政策而後已各國願保東方和平之局儘可出而與俄日勸和卽俄之不允歸我主權者

亦須看我自治何如再憑公斷各國當爲立動俄亦無可藉口苟俄仍不肯則中國惟有聯日拒俄力圖血戰亦不暇計及後事如何則機局更緊或尙不至全行袖手何也各國雖均有割據之心尙未見諸事實猶可中止且必慮亞洲戰禍連結商務現受其傷更恐中日戰不勝俄歐美各洲亦隱受其害各國所以不管者以惡我國未力圖自強耳卽日言變法亦毫無實際彼亦不之信耳茲以事變之亟得我皇上國書堅與相約允我力行改革期於不數年我悉如泰西各國而後已彼因事揣情當無不信苟肯相顧則俄亦無不怯之理況我本必須乘此危局亟圖挽回無論此次俄日釁成我不能不變以圖存卽俄日事平而日本變法之明效如彼我未變法之喫虧如此則變與不變不待再計

而決正樂得趁此言之矣所慮者苟再因循恐欲圖變法而已受分割
被人挾制無可以自變之日惟有時急宣此意或其權尙自我操耳
不然俄日或戰或和而東三省已萬非我有亦甚不足以立國矣況非
毅然決然如日本明治初年則雖日言變法亦必敷衍而終無成效然
則與其幸存而必變法受挾而不能自變法則何如先此借以自主
權決然力改盡力爲之尙不失有爲之機或可免俄日釁成終有魚池
之患固本朝三百年締造之基存中國四千年強大之體保中亞數萬
萬生靈之種存亡呼吸盡在於斯臣等懸慮苦思迂愚之見或冀挽回
於萬一謹冒昧直陳伏乞皇太后皇上聖明鑒察天下幸甚中亞幸甚

敬乞代奏

十二月初四日

直督袁世凱奏遵諭統籌布置東北邊防情形摺

直隸總督袁世凱奏爲欽遵傳諭統籌布置謹將時勢情形恭摺密陳
事竊臣於光緒二十九年十一月二十八日承准軍機處王大臣電寄
各省督撫內開俄日相持益急如竟決裂中國勢處兩難自當妥籌辦
法除奉直邊要各地方應由北洋統籌布置派兵嚴防外所有沿海沿
江沿邊各口城鎮加意扼防慎固封守各省匪黨游勇伏莽孔多誠恐
妄造謠言乘機作亂致別國藉口復生他變尤宜預爲防範並飭屬認
眞保護洋人財產教堂倘有奸徒煽惑卽行嚴拿懲辦勿稍疏虞報紙
消息往往誤傳人心易滋惶惑仍希示以鎮靜不動聲色妥密籌備爲
要奉諭嚴密布置希即遵照等因准此臣忝膺疆寄自應欽遵嚴密籌

防惟現在時勢情形有不得不披瀝上陳者查日本以協約齟齬早修戰備俄人初意不願用武近因相持日急乃在東三省日夜運兵探聞已增至八萬合舊駐兵數共計十八萬七千餘人其已備待發者尙有七萬餘人俄之宗旨已變自不肯輕易撤退而日本舉國鼎沸又不能聽俄所爲兩不相下戰端難免就我現在情勢而論不得不謹守局外然公法局外之例以遣兵防邊不許客兵侵境爲要義防之不力守局立墮不但人之潰卒我之士匪必須認真防堵而兩大構兵偪處堂奧變幻叵測亦不得不預籌地步畿輔爲根本重地防範尤須穩固直境北連蒙古俄與蒙疆接壤處處空虛由張家口達恰克圖僅兩千數百里爲俄人往來孔道直之熱河東毗奉境俄方佔據東省將來資爲戰

場計東北邊防暨海疆各口不下三千數百里如欲慎固封守計非數十萬人不克周密蓋人皆以數十萬衆角逐遼海我之防兵非十萬人不足支一隅又須聲勢聯絡互相策應方免疏虞惟我方餉絀械乏斷難集此重兵然詳察形勢扼要設防至少亦須六萬人以萬人拱衛京師以五萬人分布邊要庶可資以屏蔽現奉直境兵力淮練各營迭經裁汰僅足巡緝地面京旗三千人甫經成軍祇可調防京師自強軍兩千餘人現應分布巡防臣所部大枝戰兵祇武衛右軍七千人常備軍九千餘人此外有提督馬玉崑所部武衛左軍一萬人姜桂題所部毅軍五千人遇有徵調除去看守營房護運糧械外應戰之兵不過三萬仍須分兵留駐京城巡防近畿計不過兩萬餘人可以出防且自公約

禁軍火各庫子彈大半缺少軍械又多參差臣前曾與慶親王奕劻密商擬增兵三萬並籌備軍火以資分布嗣因餉項難籌議先增募一萬酌購軍械備助防守計一萬人正餉通年約需百萬兩而購備鎗礮暨子彈並各項戰具雜支約須一百數十萬兩可指之項祇有練兵處奏請由直隸挪借一百萬兩其雖請部撥之二百萬兩尙未准部文知照如擬增足三萬人之數勢難籌辦然非此實不足以資布置臣九月間奉召入對曾以預籌餉項爲請當蒙面諭由部籌撥迄今已逾兩月尙無的款在部臣籌措爲難自係實情但及今募兵購械已覺爲時甚迫如再宕延時日待至俄日兵連禍結雖有鉅款而烏合之衆不足防禦遠購之械難應急需勢將束手坐困即使臣粉身碎骨亦不足塞責於

萬一臣一身不足惜但事關大局安危不敢不悉心籌畫力求周備倘實在無餉接濟或撥餉不能應時臣何能無米爲炊惟有儘現有之餉以備兵儘現有之兵以布防設或防範不周貽誤大局臣固不能稍辭其責而力止及此應在聖明洞鑒之中甲午之役集天下之兵力以故大學士臣李鴻章故督臣劉坤一之久歷戎行老謀深算而關內外各軍不下二十萬仍每以兵薄爲憂況現在俄日交關人之兵力倍蓰疇昔驚下如臣處此財力極窘之秋提此二萬餘衆之卒布置防守實有不能不爲鰓鰓過慮者也臣通盤籌畫夙夜焦思非兵無以布置非餉無以增兵惟有仰乞皇太后皇上飭下戶部迅籌切實的餉以應急需而扶危局天下幸甚臣不勝戰慄恐懼迫切待命之至謹奏光緒二十

九年十二月初六日奉硃批着戶部迅速籌撥的餉

皖撫誠勳奏中立難久邊防益亟擬請東三省速籌練

兵摺

安徽巡撫誠勳奏爲中立難久邊防益亟擬請東三省速籌練兵徐議屯田以愆近患而裕遠謀事竊以東三省根本重地拱衛京師非止爲朝廷發祥之原不忍棄不敢棄而已列聖於此經營備至近百餘年間練兵屯田之說屢騰章奏雖或意義偶殊而總歸於制外安內善建不拔今者日俄構釁卽在此門闥之間然我國猶定議中立退居局外者良由創鉅痛深之餘慎言戰事姑爲此萬不得已之舉原非以此爲長恃無恐之善策也數月以來駐將添兵破格用人仰見宮廷東顧之憂

無時或釋凡在臣子能無疚心夫此三省者俄則欲拓爲東略之基礎日則欲倚爲外重之屏障內雖各急其私而外猶市義於我故我今日未得以局外中立自託如此夫局外有局外之權限非兩戰國所得侵中立有中立之法度非兩戰國所得擾侵擾者違公法聽人侵擾者亦違公法是故公法無以局外之國爲戰地者即無以局外之國聽人戰於其地者且局外中立自我宣之亦必兩戰國及局外國認明之使日俄而果認可則兩軍相見宜在庫頁之東西伯利亞之北使英美各國皆認可則必以公法責俄日另覓戰地然而皆未聞有是者日俄非特有意躡我土地且留此爲他日尋釁口實其他各國英則忌俄法則懼俄德以法故勉附俄奧意皆畏俄美又向不多預外事此時仗義則無